

HOUTMAN, H., Ni'je klompen. (~~Sketch~~) (Tewakker).

U. 71

NI'JE KLOMPEN

- Speulers: • SIEBE:
man van rond de 60, flapt d'r alles uut, is wel wat onneuzel, vri'jgezel, mar wil wel es wat, blauwe broek en kiele, pette op. (SI)
- SAKE:
iets ooldere breur van Siebe, is ernstig, schaemt him gauw, is trouw an zien moeke, vri'jgezel. (SA)
- CHARLOTTE:
winkelvrouw, weet van anpakken, is zaekelik, oolde vri'jster rond de 60, oolderwets in de kleren, haarknottien. (CH)
- CORINE:
iets jongere zuster van Charlotte, plezierig, ok een oolde vri'jster, mar wel wat manne-gek, zit bi'j heur zuster onder de doem, oolderwets in de kleren, mar wel mit een opvalende strik of kaom in et haar. (CO)

Teniel: een winkeltien mit bessems & buunders, mit mattekloppers en w.c.bossels en mitklompen.
Een teanbaank en een zitbaankien.

Winkel-bellegien. Si en Sa op.

Si: (zingt;) En van je hela hola houd d'r de moed mar in, enz....

Sa: Stil toch Siebe, we bin hier niet thuis bi'j moe. En waar moe'we de moed aenlik in holen?

Si: Now dit is al de zeuvende winkels waor we vraogen om ni'je klompen.

Sa: Mar hier kuuwe ze kriegen, ze staon veur de etelasie.

Si: 't Zal tied wodden, et zwiet staot me al tussen de ti'jen en dat schimmelt laeter zo!

Sa: Awwe zonder klompen thuis kommen, zal moe oons drekt weer op pad sturen.

Si: Hool now es op mit je 'moe dit en moe dat'. Ie bin al over de 60 en hangen heur nog an de rokken. Ie willen heur wel in de buse van de schölk kroepen.

Sa: Ja, mar Siebe, ie meugen nooit vergeten.....

Si:wat ze allemaol veur oons dagn het. Dat wee'k now staotigan wel. Ze het d'r veur zorêd, dat ie nóg de hieltied mit de slabbe veur je bri'j eten en ik naachs nog alliend in dat grote bedstee lig. Kommen ze hier de klaanten trouwens niet te helpen?

Sa: Misschien is't hier wel zels-bediening.

Ch: (deftig op) Goeie-middag heren. Et spiet me dat et zolange duurde. Mien zuster en ikke wa'ren krek doende mit et utpakken van een deuze grune ziepe.

Si: (zachies tegen Sa) Zol die zuster ok zoe'n mal petret mit een knoede d'r an wezen? Sake?

Sa: Siebe toch!

Si: Zuken jim een liessien?

Sa: Of wi'j een liessien zuken? Hoe dat zo?

Ch: Ik verston et woord petret en daor moet meerstal een liessien omme!

Si: Nee, wi'j kommen hier veur een peer ni'je klompen.

Ch: Dan bin jim hier te plak. Die verkopen we.